



Hezkuntzan
murrizketarik ez!

ESKOLAKO OHARRAK

TRANSPATIOKO BISITA

Dakizuen bezala, azken hilabeteetan, guztiontzat gozagarri izan litekeen patioaren eraldaketaz gain, gure ikasleen arteko harremanak ere lantzen dituen proiektua landu dugu eskolan: Transpatioa. Lan guzti hau erakusteko, abenduak 11ean, datorren ostiralean, eskolan festa bat antolatu dugu. Eskola ordutan gonbidapena egitea ezinezkoa da COVID19a dela eta, baina, arratsaldeko 16:30etatik aurrera, ordubetez, ikasleek eginiko lanak erakusgai edukiko dituzue eskolako frontoian.



ESKOLAKO AZKEN EGUNA

Datorren abenduak 18an hiruhilabeteko azken eguna ospatuko dugu. Aurtengoan, COVID 19a dela eta ez da azokarik ospatuko. Hala ere, zuen seme-alabei baserritarrez jantzita etortzeko gonbidapena luzatzen diegu. Bestalde, goizeko jardunean lan egiten arituko garela gogorarazten dizuegu, beraz, eskola 12:30etan bukatuko da etxeko bazkaltiarrentzat eta 14:30etan jangelako bazkaltiarrentzat.



ZORRIAK

Zorriak azaldu dira berriz eskolan. Hemen transmititzen dira ikasleak elkarrekin daudelako. Jakina da, zorriak edukiz gero zein den jarraitu beharreko tratamendua. Guraso batzuen aldetik kexa azaldu da. Alegia, beren seme-alabei tratamendua egin arren, behin eta berriro azaltzen direlako. Askotan aztertu dugun gaia da eta eskolak tratamendua egiteko aholkua eman besterik ezin du egin. Mesedez, ongi begiratu zuen seme-alaben buruak zorriak desager daitezzen.



ORDUTEGIA

Dakizuen bezala, COVID19ak egoera oso bereziak sortarazi ditu. Egoera hauei ahalik eta irtenbiderik egokienak aurkitzen saiatu gara; horietako bat, ikasleak, eguraldiak ahalbideratzen duenetan behintzat, eskola eraikinetik ateratzea da. Askotan, arratsaldeko saioak aprobeztatzen saiatzen gara eta eskolako patioan ekintza ezberdinak egiten ditugu 16:15ak arte. Hainbatetan, gurasoak arratsaldeko 16:00etarako eskola eremuan sartzen dira. Honek ikasleak urduri jarri eta eskolako ohiko funtzionamendua zailtzen du. Hori dela eta, 16:15etatik aurrera sartzea eskatzen dizuegu. Eskerrik asko



ESKOLAKO HELBIDE ELEKTRONIKOA

Azken asteetan jakinarazi dizuegun bezala, eskolako familia guztiek helbide elektronikoko korporatibo propioa duzue. Ikasturte honetan, hiruhilabeteko buletinak modu digitalean bidaliko dizkizuegu aipaturiko helbide elektronikora. Hori dela eta, ahalik eta azkarren aktibatzea beharrezkoa da. Zailtasunak izango bazenituzte jarri harremanetan zuen seme-alaben tutoreekin edo eta eskolako zuzendaritzarekin.

Aktibatzeko hauek dira eman beharreko pausuak:

- 1) www.gmail.com webgunean sartu
 - 2) familiaren helbide korporatiboa sartu (helbide berririk sortu gabe)
 - 3) "elizalde" pasa hitza sartu
 - 4) pasahitza berria sortzeko eskatuko dizue, ondo pentsatu eta nahi duzuen jarri
- Oharra: gmail kontua da.

GARRAIO ZERBITZUA

Gure eskolako 6303 autobusean aldaketa txiki bat egin dugu. Udalak markesina berria jarri du Ergoien auzoan. Hori dela eta, ikasle batzuk bertan hartuko dute eskolara joateko autobusa. Gure eskolako web orrian, garraio atalean, moldaketak txertatu ditugu.

ABARAXKA LUDOTEKAKO OHARRAK

“OIARTZUNGO IHOTIK” KARTA JOLASA

“Oiartzungo ihotik” karta jolasak bizitza hartu du!

Intxixuak, basandreak, sorginak, ote-gizona, zomorrozinko, suzko akerra, sua, kuestaziyua, auzoak.... batu ditugu karta jolas batean. Abaraxka Udal Ludotekak ihoteen karta jolasa sortu du. Diseinua Dixidu grafikoak egin du eta ilustrazioak losu Mitxelena Unsainek. Karta jolas hau ez da jolasa soilik. Ilusio, mimo eta maitasunez sortu eta landutako baliabide ederra da. Baliabide diogu, gure herriko ohiturak eta kultura, jolasean, era kolektiboan, euskaraz, hezkidetzan... jaso eta transmititzeko modua delako. Materiala kutxatxo eder baten barruan dator: karta hauekin nola jolastu, ihoteen historia eta hauen berri ematen duen liburuxka bat du eta 56 karta erakargarri. Karta jolas honekin hain maite ditugun ihotik urte osoan etxean izango ditugu. Jolasa eta kultura bat eginik... jolastuz ikasi! Oiartzuarren etxe guztietan egon beharreko jolasa!!

PREZIOA: 15 €

15 EUROSW. SALMENTA PUNTUAK:

- Abaraxka Ludoteka
- Dixidu diseinu grafikoa
- Elizalde Herri Eskola (diru justua ekarria behar da)
- Haurtzaro Ikastola
- Ehuntze espazioa
- Intxixu AEK euskaltegia
- Labore Oarso
- Oiartzun Irratia
- Txispum aretoa (Hondarribia)

Abaraxka udal ludotekari buruz gehiago jakiteko: www.gazteoiartzun.net

Ihotei buruz gehiago jakiteko: www.oiartzungoihotik.eus/

Harremanetarako: abaraxka.oiartzun@gmail.com



OIARTZUNGO IHOTIK KARTA JOLASA

SALMENTA PUNTUAK

- Abaraxka Ludoteka
- Dixidu diseinu grafikoa
- Elizalde Herri Eskola
- Haurtzaro Ikastola
- Intxixu AEK euskaltegia
- Labore Oarso
- Oiartzun Irratia
- Ehuntze espazioa
- Txispum aretoa (Hondarribia)

Harremanetarako: abaraxka.oiartzun@gmail.com

15 €

Intxixuak, basandreak, sorginak, ote-gizona, zomorrozinko, suzko akerra, sua, kuestaziyua, auzoak.... batu ditugu karta jolas batean.

Kutxa eder batean aurkeztuta, liburuxka + 56 kartak osatzen dute jolas hau.

Oiartzuarren etxe guztietan egon beharreko jolasa!!

ABARAXKA UDALEKUA
OIARTZUN

UDALEKO OHARRA

Mugikortasuna

Udalak gure mugikortasun ohiturak ezagutu nahi ditu. Momentu hauetan, mugikortasuna plana osatzen ari dira eta hobetzeko aukerak zeintzuk diren gertutik ezagutu nahi ditu. Horretarako, hemen duzue interneteko lotura: <https://es.surveymonkey.com/r/WX3JFP5>

Parte hartzeagatik bakarrik, bizikleta baten zozketan parte hartuko duzue. Animatu



www.elizaldekogurasoelkartea.blogspot.com.es eta www.elizalde.eus